

গণপ্রজাতন্ত্রী বাংলাদেশ সরকার
বিদ্যুৎ, জ্বালানি ও খনিজ সম্পদ মন্ত্রণালয়
জ্বালানি ও খনিজ সম্পদ বিভাগ
প্রশাসন-২ অধিকার্যক্ষমতা
www.emrd.gov.bd

বিষয়: জ্বালানি ও খনিজ সম্পদ বিভাগের আওতাধীন দণ্ডন/সংস্থা/কোম্পানীর কেপিআই স্থাপনাসমূহের নিরাপত্তা বিষয়ক পর্যালোচনা সভার কার্যবিবরণী।

| | |
|--------------|---|
| সভাপতি | : মোঃ আঃ খালেক মল্লিক, অতিরিক্ত সচিব (প্রশাসন), জ্বালানি ও খনিজ সম্পদ বিভাগ |
| তারিখ ও সময় | : ০৬-১১-২০২৩, বিকাল-০৩.০০ ঘটিকা |
| স্থান | : অনলাইন জুম প্ল্যাটফর্ম |
| উপস্থিতি | : রেকর্ডে |

২.০ আলোচনা:

২.১। সভাপতি অনলাইন জুম প্ল্যাটফর্মে সকলকে স্বাগত জানিয়ে সভার কার্যক্রম শুরু করেন। সভাপতির অনুমতিত্রুটি এ বিভাগের যুগ্মসচিব (প্রশাসন-২), মোহাম্মদ ফারুক হোসেন সভার কার্যপ্ত উপস্থাপন করেন। তিনি উল্লেখ করেন যে, গত ১৬-১০-২০২২ তারিখে তৎকালীন সিনিয়র সচিব মহোদয়ের সভাপতিতে এ বিভাগের আওতাধীন কেপিআইভুক্ত স্থাপনাসমূহের নিরাপত্তা পর্যালোচনা সভা অনুষ্ঠিত হয়। এছাড়া অতিরিক্ত সচিব প্রশাসন এর সভাপতিতে গত ০১-০৮-২০২৩ তারিখে মাসিক ভিত্তিতে গ্যাস উৎপাদন, অগ্নি নির্বাপন ও নিরাপত্তা ব্যবস্থা মনিটরিং কমিটির সভায় বিপিসি ও পেট্রোবাংলার বিভিন্ন কেপিআই ও কেপিআই বহির্ভূত গুরুত্বপূর্ণ স্থাপনার নিরাপত্তার বিষয়টি অত্যন্ত গুরুত্ব দিয়ে আলোচনা করা হয়। উক্ত সভার সিদ্ধান্তসমূহের বাস্তবায়ন অগ্রগতি অবহিত করার জন্য সকলের দৃষ্টি আকর্ষণ করা হয়। অলোচনায় অংশ নিয়ে বিভিন্ন প্রতিষ্ঠানের/কোম্পানির ব্যবস্থাপনা পরিচালক জানান যে, বর্তমান পেক্ষাপটে তাদের নিজ প্রতিষ্ঠানসমূহের নিরাপত্তাকে অগ্রাধিকার দেয়া হয়েছে এবং সভার সিদ্ধান্ত মোতাবেক যথাযথ ব্যবস্থা গ্রহণ করা হয়েছে। এ প্রসঙ্গে ব্যবস্থাপনা পরিচালক, এসজিএফএল জানান যে, সিলেট গ্যাস ফিল্ডস লিমিটেড এর প্রতিটি গ্যাস ফিল্ডস ও স্থাপনাসমূহে পর্যাপ্ত পরিমাণে সিসি ক্যামেরা স্থাপন করা আছে। কনডেনসেট ফ্র্যাকশনেশন প্ল্যাটে উৎপাদিত জ্বালানি তেল জেলা প্রশাসনের সহযোগিতায় বিপিসিতে সরবরাহ করা হচ্ছে। যুগ্মসচিব (প্রশাসন) বলেন যে, অস্থিতিশীল পরিস্থিতিতে কেপিআই স্থাপনাসমূহের নিরাপত্তা ও জ্বালানি তেল পরিবহনে পুলিশ প্রশাসনের সহযোগিতার জন্য জেলা প্রশাসনে নিয়মিত পত্র যোগাযোগ অব্যাহত রাখার পাশাপাশি ডকুমেন্ট সংরক্ষণ রাখা প্রয়োজন।

২.২। উপসচিব (অপারেশন-১ অধিকার্যক্ষমতা) বলেন যে, বিভিন্ন সময়ে সরেজমিনে পরিদর্শনে গিয়ে দেখা গিয়েছে সিসি ক্যামেরাগুলো অনেকক্ষেত্রে সচল নেই অথবা সিসি ক্যামেরাগুলো যে দিকে স্থাপন করা প্রয়োজন সে দিকে স্থাপন করা নেই। এছাড়া, সিসি ক্যামেরার ফুটেজ নিয়মিতভাবে সংরক্ষণ করা হয় না। তিনি উল্লেখ করেন যে, বর্তমানে আধুনিক প্রযুক্তি সমূক্ত আইপি ক্যামেরা বের হয়েছে। আইপি ক্যামেরায় যে কোন ব্যক্তি বা ফুটেজ অনেক স্পষ্টভাবে সনাক্ত করা সম্ভব। তাই কেপিআই স্থাপনাসমূহের গুরুত্বপূর্ণ পয়েন্টসমূহে আইপি ক্যামেরা স্থাপনের ব্যবস্থা গ্রহণ করা যেতে পারে। তিনি আরো বলেন যে, প্রতিটি অফিসে একটি করে কন্ট্রোল বুমের মত স্থাপন করা যেতে পারে, যেখানে বড় একটি স্ক্রিনের মাধ্যমে স্থাপনাসমূহে স্থাপিত ছেট ছেট স্ক্রিনকে যুক্ত করে মনিটরিং করা যেতে পারে। তেলের ডিপোসমূহ পরিদর্শনে দেখা গেছে যে, কোন ডিপোর বাউভারি ওয়াল যথেষ্ট সুরক্ষিত নেই। তিনি বাউভারি ওয়াল যাতে সুরক্ষিত রাখা হয় সেদিকে বিশেষ নজর দেয়ার জন্য তিনি গুরুত্বারোপ করেন। সভাপতি কার্যবিবরণীতে এ বিষয়গুলো অন্তর্ভুক্ত করার নির্দেশনা প্রদান করেন। ব্যবস্থাপনা পরিচালক, জিটিসিএল বলেন যে, জিটিসিএল এর কেপিআইভুক্ত সকল স্থাপনা আইপি ক্যামেরার আওতাভুক্ত রয়েছে। পাইপলাইনের নিরাপত্তা ব্যবস্থা মনিটরিংয়ের জন্য প্রতি পাঁচ কিলোমিটার অন্তর অন্তর একজন করে সিকিউরিটি কর্মকর্তা নিয়োজিত আছেন। নিরাপত্তা বিষয়সমূহ পর্যালোচনার নিমিত্ত কোম্পানীর পরবর্তী বোর্ড সভা হতে এজেন্টাভুক্ত করা হবে।

২.৩। যুগ্মসচিব (প্রশাসন-২) বলেন যে, ইনোভেশন সভায় আলোচনায় এসেছে যে, কেপিআই স্থাপনাসমূহে আইপি ক্যামেরা স্থাপনপূর্বক সেগুলো ইন্টিগ্রেড করে ওয়েবসাইটের প্ল্যাটফর্মে লিংক সংযোজন করে এ বিভাগ হতেও যাতে মনিটরিং করা যায়। এ লক্ষ্যে সকল কেপিআই স্থাপনায় দুটি আইপি ক্যামেরা স্থাপন করা প্রয়োজন। এ প্রসঙ্গে যুগ্মসচিব (প্রশাসন) বলেন যে, আইপি ক্যামেরায় যে সকল সুবিধা রয়েছে সেগুলো ইনস্টল করা থাকলে ফিজিক্যালি মনিটরিং করার প্রয়োজন হবে না, যে কোন জায়গায় বসে সহজেই মনিটরিং করা যাবে। মহাব্যবস্থাপক (প্রশাসন), টিজিটিডিসিএল জানান যে, তিতাস গ্যাসের আওতাধীন ২৭টি কেপিআইভুক্ত স্থাপনা রয়েছে। উক্ত স্থাপনাসমূহে সিসি ক্যামেরা স্থাপন করা আছে। তবে স্থাপনাসমূহে আইপি ক্যামেরা স্থাপন করা হয়নি। যুগ্মসচিব (প্রশাসন-২) স্পেশাল ব্রাঞ্চ, বাংলাদেশ পুলিশ হতে প্রাপ্ত তিতাস গ্যাসের কেপিআইভুক্ত কতিপয় স্থাপনার নিরাপত্তা বিষয়ে সুপারিশ উপস্থাপন করেন। স্পেশাল ব্রাঞ্চ, বাংলাদেশ পুলিশ হতে প্রাপ্ত সুপারিশসমূহ যথাযথভাবে বাস্তবায়নের জন্য সভাপতি নির্দেশনা প্রদান করেন।



অপর পঞ্চায়েট দ্রষ্টব্য

২.৪। ব্যবস্থাপনা পরিচালক, ইআরএল জানান যে, ইআরএল এর স্থাপনাসমূহের নিরাপত্তা বিষয়টি নিয়মিতভাবে মনিটরিং করা হয় এবং নিরাপত্তার ইকুইপমেন্টসমূহ পর্যাপ্ত রয়েছে। ব্যবস্থাপনা পরিচালক, জেজিটিডিএসএল বলেন যে, জেজিটিডিএসএল এর আওতাভুক্ত স্থাপনাসমূহের নিরাপত্তা মনিটরিং করার জন্য পর্যাপ্ত সংখ্যক এইচডি ক্যামেরা রয়েছে। গুরুত্বপূর্ণ স্থাপনাসমূহে মনিটরিং ব্যবস্থা জোরদার করার জন্য আইপি ক্যামেরা স্থাপনের কার্যক্রম গ্রহণ করা হচ্ছে। ব্যবস্থাপনা পরিচালক, আরপিজিসিএল বলেন যে, আরপিজিসিএল এর আওতাভুক্ত স্থাপনাসমূহে পর্যাপ্ত সিসি ক্যামেরা স্থাপন করা আছে এবং নিয়মিত মনিটরিং করা হয়। আরপিজিসিএল এর আওতাধীন দুটি FSRU কেপিআইভুক্ত করার জন্য ইতৎপূর্বে পত্র প্রদান করা হয়। তদপ্রেক্ষিতে Excellerate Energy Ltd. এর FSRU কেপিআইভুক্ত করা হয়েছে মর্মে স্পেশাল ব্রাঞ্চ, বাংলাদেশ পুলিশ জানিয়েছে। FSRU স্থাপনার নিরাপত্তা রক্ষার্থে বাংলাদেশ নেতৃ ও কোষ্টগার্ডের মাধ্যমে নিয়মিত টহল দেয়া হয়।

২.৫। পরিচালক (বিপগন), বিপিসি জানান যে, বিপগন কোম্পানীর জ্বালানি তেল ট্যাংক লরির মাধ্যমে পরিবহনে নিরাপত্তা নিশ্চিতের জন্য ইতোমধ্যে জননিরাপত্তা বিভাগে পত্র দেয়া হয়েছে। ডিপোসমূহে জ্বালানি তেল পরিবহনের ক্ষেত্রে পর্যাপ্ত নিরাপত্তা বজায় রাখার জন্য জেলা প্রশাসনের সাথে নিয়মিত যোগাযোগ অব্যাহত রয়েছে। উপসচিব (অপারেশন-১) বলেন যে, এভিয়েশন ফুয়েল পরিবহনের ক্ষেত্রে বিশেষ ব্যবস্থা গ্রহণ করা প্রয়োজন। পরিচালক (বিপগন) এ প্রসঙ্গে জানান যে, পর্যাপ্ত নিরাপত্তা ব্যবস্থা ব্যতীরেকে এভিয়েশন ফুয়েল যাতে পরিবহন না করা হয় সেদিকে গুরুত্বারোপ করা হচ্ছে। সভাপতি এভিয়েশন ফুয়েল পরিবহনের ক্ষেত্রে পর্যাপ্ত নিরাপত্তা নিশ্চিতের জন্য সংশ্লিষ্টদের সাথে যোগাযোগ অব্যাহত রাখার নির্দেশনা প্রদান করেন। যুগ্মসচিব (প্রশাসন-২) বলেন যে, অস্থিতিশীল পরিস্থিতিতে ইন্টারিম ব্যবস্থা হিসেবে কেপিআই স্থাপনা ও গুরুত্বপূর্ণ স্থাপনাসমূহের মনিটরিং ব্যবস্থা জোরদার করার জন্য ছেট আকারে হলেও একটি কন্ট্রোল রুম খোলা যেতে পারে। এছাড়া, প্রতিদিনের নিরাপত্তা ব্যবস্থার রিপোর্ট সংগ্রহ ও পর্যালোচনার জন্য একজন কর্মকর্তাকে মনোনয়ন প্রদান করা যেতে পারে।

৩। সভায় বিস্তারিত আলোচনা ও পর্যালোচনা শেষে নিম্নরূপ সিদ্ধান্ত গৃহীত হয়:

| ক্রমিক | সিদ্ধান্ত | বাস্তবায়নকারী |
|--------|---|---------------------------------|
| ৩.১ | জ্বালানি ও খনিজ সম্পদ বিভাগের আওতাধীন কেপিআইভুক্ত ও কেপিআই বহির্ভূত স্থাপনাসমূহের নিরাপত্তা ব্যবস্থা সম্পর্কে এ বিভাগে গত ১৬-১০-২০২২ তারিখে অনুষ্ঠিত সভার সিদ্ধান্ত বাস্তবায়নের লক্ষ্যে প্রয়োজনীয় কার্যক্রম অব্যাহত রাখতে হবে। | দপ্তর/সংস্থা/কোম্পানী |
| ৩.২ | বিশেষ পরিস্থিতিতে কেপিআই স্থাপনাসমূহের নিরাপত্তা ও জ্বালানি তেল পরিবহনে পুলিশ প্রশাসনের সহযোগিতার জন্য সংশ্লিষ্ট কর্তৃপক্ষের নিকট নিয়মিত পত্র যোগাযোগ রাখার পাশাপাশি ডকুমেন্ট সংরক্ষণ রাখতে হবে। | দপ্তর/সংস্থা/কোম্পানী |
| ৩.৩ | কেপিআই স্থাপনাসমূহের গুরুত্বপূর্ণ ও প্রযোজ্য ক্ষেত্রে পমেন্টসমূহে আইপি ক্যামেরা স্থাপনের প্রয়োজনীয় ব্যবস্থা গ্রহণ করতে হবে। | বিপিসি/পেট্রোবাংলা/ কোম্পানী |
| ৩.৪ | বিশেষ পরিস্থিতিতে কেপিআই স্থাপনাসমূহের নিরাপত্তা ব্যবস্থা মনিটরিংয়ের জন্য স্বল্প পরিসরে হলেও কন্ট্রোল রুম খুলতে হবে। | বিপিসি/পেট্রোবাংলা/ কোম্পানী |
| ৩.৫ | স্পেশাল ব্রাঞ্চ, বাংলাদেশ পুলিশ কর্তৃক দাখিলকৃত প্রতিবেদনের সুপারিশসমূহ যথাযথভাবে বাস্তবায়ন করতে হবে। | বিপিসি/পেট্রোবাংলা/ কোম্পানী |
| ৩.৬ | এভিয়েশন ফুয়েল পরিবহনের ক্ষেত্রে পর্যাপ্ত নিরাপত্তা নিশ্চিতের লক্ষ্যে প্রয়োজনীয় কার্যক্রম গ্রহণ করতে হবে। | বিপিসি/পিওসিএল |
| ৩.৭ | কেপিআইভুক্ত ও গুরুত্বপূর্ণ স্থাপনাসমূহের প্রতিদিনের নিরাপত্তা ব্যবস্থা সংক্রান্ত সংশ্লিষ্ট কমিটি হতে রিপোর্ট সংগ্রহ ও পর্যালোচনার জন্য স্ব-স্ব প্রতিষ্ঠান হতে একজন করে কর্মকর্তা মনোনয়ন প্রদান করতে হবে। | বিপিসি/পেট্রোবাংলা/ কোম্পানী |
| ৩.৮ | নিরাপত্তা কাজের জন্য নিয়োগকৃত জনবল অন্য কোনো কাজে নিয়োগ না করে নিরাপত্তার কাজে নিয়োগ করতে হবে। | বিপিসি/পেট্রোবাংলা/ কোম্পানী |
| ৩.৯ | স্পেশাল ব্রাঞ্চ, বাংলাদেশ পুলিশ কর্তৃক নিরাপত্তা কাজে নিয়োজিত কর্মকর্তা কর্মচারীদের নিয়মিতভাবে ভেটিং করতে হবে। | বিপিসি/পেট্রোবাংলা/ কোম্পানী |
| ৩.১০ | বিপিসি ও পেট্রোবাংলার অধীন কোম্পানিসমূহের স্ব স্ব বোর্ড সভায় নিরাপত্তা সংক্রান্ত এজেন্ট উপস্থাপনপূর্বক আলোচনা করতে হবে। | বিপিসি/পেট্রোবাংলা/ কোম্পানী |
| ৩.১১ | আরপিজিসিএল এর আওতাধীন দুটি FSRU এর নিরাপত্তা বিধানের প্রয়োজনীয় ব্যবস্থা গ্রহণ করতে হবে। FSRU স্থাপনার নিরাপত্তা রক্ষার্থে বাংলাদেশ নেতৃ ও কোষ্টগার্ডের সাথে নিয়মিত যোগাযোগ রাখা করতে হবে। | পেট্রোবাংলা/ আরপিজিসিএল |

৪। সভায় আর কোন আলোচ্য বিষয় না থাকায় উপস্থিত সকলকে ধন্যবাদ জানিয়ে সভার সমাপ্তি ঘোষণা করা হয়।

৩৫/২৫/২০২৪

(মোঃ আঃ খালেক মল্লিক)

অতিরিক্ত সচিব (প্রশাসন)

জ্বালানি ও খনিজ সম্পদ বিভাগ